



UNIVERSITÄTS-
BIBLIOTHEK
PADERBORN

Mariae Virginis Sacratiss. Miraculorum Libri Tres

Vismara, Ercole

Mediolani, 1579

Carolo Borromæo Card. Ampliss. Mediolani Antistiti. Vitæ Spectatissimæ.
Viro

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)



CAROLO
BORROMAEO

CARD. AMPLISS.

MEDIOLANI
ANTISTITI. VITAE
SPECTATISSIMAE. VIRO



HERCVLES. VINCEMALA

Iurifcon. Mediolanen. S. D.



UPERIORIB. proximis annis,
Antistes optime, cum repenti-
na Dei optimi maximi ira, Me-
diolanum grauis pestilentia exu-
reret; & late etiam per totam hanc ditionem
da vis morbi vagaretur; eadem lues, cursim
irrupens, in multos pagos praedijs, ac fun-
dis nostris proximos se intulerat. Raptim

2011

† 2 ego

ego illuc cursitavi ; vt , quantus quantus
eram , totus praestò essem miseris , & dereli-
ctis agricolis , qui acri mortis metu pertur-
babantur ; dum alios confertos aceruatim
funerib. cumulari , ab alijs extremo spiritu
mortem contineri uiderent . Illis interdiu ,
si quid ex usu erat , quod à me praestari pos-
set , operam dabam ; & omne studium in ea
conferebam , quae perspiciebam in ipsorum
rem esse . Ad vesperam terribilium rerum lu-
ctuoso spectaculo malè affectum animum
relaxare , & aegritudine praepeditum expedi-
re oportebat : vt , quando misericordia , ac
metu grauiter commotus fueram ; paullum
recreatus ad laborem diutiùs sustinendum
me instituerem , & pararem . Iudicavi , me
ex sententia id posse assequi , si aliqua legis-
sem , quib. animus , qui lassus , & cura confe-
ctus stupebat , in certam , ac verissimam ali-
quam spem adduceretur . Occurrit ergo au-
reus , ac diuinus liber , in quo eo anno purif-
simae DEI PARENTIS miracula , à Sil-
uano Razzio , monaco Camaldulensi Etruscè
scripta erant . Nihil , ità mihi Deus sit propi-
tius,

tius, opportunum magis offerri poterat. Il-
lum auidissimè, & mirifica animi attentione
lectitabam; illinc flores suauissimum odo-
rem afflanteis decerpebam: illinc eos capie-
bam fructus, quorum tanta erat suauitas, ut
exquisitissimi mellis liquores iucundissimo
animi sensu tractari viderentur. Ijs alebatur
animus, & curis solutus augebatur. Palam
.n. fiebat, quàm saepe, quàm celeriter, mor-
tales calamitatib. oppressi, dum neq. auxiliij
copiam, neq. consilij ullum locum haberent,
piè hac Virgine uocata, è summis aerumnis
se expeditos, & è maximis malis euolutos sen-
serint. Erectus ea spe, humani consilij inops,
ad ipsam, quae semper huius vrbis causam
apud Deum praestrenuè egit, vota quotidie
vertebam; vt misericordiae fonteis aperiens,
tantae cladis finem, ac remedium à filio impe-
traret; & tantum deniq. malum ad salutem
conuerteret. Dum spectatissima cognitae,
ac probatae pietatis exempla meditarer: futu-
rum arbitratus sum, vt, si latinè scripta fuif-
sent, legerentur à plurib.. multi. n. ab eo di-
cendi genere, quod in Etruria floret, licèt ele-

† 3 gans,

gans, & venustum sit, prorsus abhorret. Eam
ego in rem saepe cogitationem fixi; quin
etiam, ut illud aggredere, iusta me primum
ratio impulit. Etenim, si illa diligentius per-
penfa infixissem memoriae, & in animo in-
scripsissem, praeclare intelligebam, quam uti-
lia futura essent, ad corruptos mores eijcien-
dos, & ad illas cupiditates reprimendas, ac re-
stinguendas, quib. plerunq. feruere, & ra-
pi solet iuuentus. Quapropter illo calamito-
si ocij tempore, quo tu, diuine uir saepe inte-
gram biduum in templo ieiunè, ac duriter
te habebas; quo illis terrorib. auertendis vota
prostratus, & abiectus pro nobis apud Deum
fufcipiebas, primum miraculorum librum
conscripsi. Quanquam clarum, & apertum
erat, ad hanc rem studijs, ac virib. meis om-
nib. collatis, ne minimam quidem partem
eius religionis, quae à me Virgini debetur, in
ijs scribendis praestari posse, me tamen infi-
nita eius clementia ad id diuino quodam in-
stinctu uisa est inflammare. Pro certo n. ha-
bebam, futurum, ut tenuem hunc laborum
meorum foctum aequis oculis adspiceret, quae
demissos,

200g ε †

demissos, & humileis altiùs, & magnificè ef-
ferre, atq. apud coeli regem in edito, & ex-
celso loco amplissimè collocare, & statuere
solet. Deniq. cum ex se, non ex eius ingenio,
qui scribit, rerum grauitas, ac magnitudo sit
spectanda; amicis, qui mihi ut hunc librum
in publicum prodire sinerem, auctores, &
impulsores erant, morem gestum oportuit.
Hoc etiam Petro Galesinio Protonotario
Apostolico, viro praestantissimo probari vi-
debatur. Quocirca tanto alacriùs ad eam
rem accensus sum, quantò pluris apud me
eius, quam reliquorum omnium est iudicium.
Quòd si hos labores in tuo nomine, cuius
splendore hoc saeculū refulget, apparere con-
tigisset: mihi perspicuum erat fore; ut, si quae
illis ingenij mei culpa tenebrae offusae essent;
tanquam lucidus sol eas excuteret; & ex te illis
maxima lux oboriretur. Ac quidem, cùm
subrustico quodam pudore priùs deterritus
essem, singulari tua benignitate impulsus ani-
mum recepi; & in spem veni, vt primum
hunc librum, qui tuo nomini inscriptus est,
tuendum enixè susciperes. Nam, cum tu can-
didissima

didissima puritate in toto vitae tue cursu mirabiliter excellueris: ea tibi in intimis sensibus haerere censendum est, quibus purissima Dei mater memoratur, & ab ea in homines collata beneficia recensentur. Cuinam obscurum est; quam sanctè, quam augustè eam colas; pro cuius filio, qui se pro omnium salute obtulit, tibi suaue erit, si usu veniat, omnes inimicitias capere, quolibet cruciatu mortem oppetere, ac effundere sanguinem? omnibus exploratum est, pastor vigilantissime, animo tam singulari esse te, erga commissum tibi à filio Virginis gregem, ut totus in ea cura sis, ibi te oblectes, de nulla alia re cogites, tuusque ibi sit postremò animus. Quin uires tuas omnes eam ob causam exhauris, ac debilitas; aetatem tuam, ac uitam conterens, nullam aliam in partem cogitatione unquam traheris. Non uerbis, dici potest, quam re ipsa benè cum hac ciuitate agatur; quae tam vigilantem Antistitem, & in quo saepe, ac libenter Deus potestatem suam planè ostendit, habeat. Nae vigilantiae testis est hic populus tuo studio, & cura totus in Dei cultum conuersus. Quam
verò

verò saepè coeli rex pijs tuis precib. victus mi-
sericordiae suae rorem vbertim super hunc
populum fuderit, iam apertissimis signis in-
dicatum est. Fixo. n. à te clauo illo, à quo
acerbissimum vulnus hominum liberator ac-
cepit, & à quo grauisimo dolore afflictatus
est coeli triumphator, nae pestilentia sedata
est. Is clauus est, quo CHRISTVS IE-
SVS confixus est; non ille, cui figendo dicta-
torem senatus R. dici iubebat. Iterum, post
acrem pruinam noua, atq. inaudita siccitate
prata, uineae, agri omnes ita exusti erant; ut
planè eius anni fructuum spes erepta esset. tre-
pidabat ciuitas: omneis tanta sollicitudo occu-
parat; ut nihil consilij pectore consisteret. At,
dù te ad figendum sacrosanctum clauū paras,
uberrimus imber statim effluxit. Eo ita om-
nia irrigata sunt; vt eo anno postea fruges,
ac fructus copiosissimè prouenerint. Nulla est
iam regio in terris, quae nomen tuum non
audiat; dum amoris diuini aeterno, ac suauis
vulnere transfixus omnib. sanctissimam reli-
gionem incutis; sanctissimasq. tuas cogitatio-
nes ad coelestia, Angelicaq. facta quotidie
confers.

confers. Nemo est iam, qui, si tua vestigia per-
sequi, animum induxerit, recta via cursum suū
non contendat; & omni mortalium rerum
amorem abiciens, in Deum non transfun-
dat. Immo è conspectu nunquam amittetur
religio, ac pietas; ab oculis nunquā abducentur.
Quod si quis in huius mūdi proelio, quo diu,
atq. diu, ac uehementer contra efferos hostes,
nobis pugnandū est; tuo ductu certare decre-
uerit; nae Satan, terga uertens abiectis armis
dabitur in fugam, fususq. , ac dispersus prae-
ceps agetur. Scelestus. n. & impurus, ut nos
sub indecora ditione, & turpissimo peccati
imperio retineat; semper struit dolos, & fal-
lacias intendit. Ille in nos cruentissima tela
adigens, ac venena infundens, humanam vi-
tam turbat, & infinitis poenè sollicitat malis.
tametsi effera bellua os impurissimum ape-
rit, ut immoderatis rapinis se expleat, ut
veluti vorax charybdis, vel potius vastum
mare nos absorbeat; tu tamen in illam disper-
titis ordinib. legiones instruis; vt nos ab eius
faucib. ereptos ad Deum perducas; vt in Abra-
hae sinum, & complexum tandem eamus.

codice

Sed

